

程

苔溪集卷第二十八

啟狀

致語

荅高麗先狀

伏承茂膺朝選入覲天津効梯山航海之勤有就日
望雲之喜郊坰迎勞行脩授館之儀棧翰翰情有愧
執謙之厚眷言欣悚罔既敷陳

伏承遡鯨波而脩貢趨鳳闕以觀光亦既勤勞有嘉
忠恪行長班荆之勞遽蒙枉贖之私感愧惟深名言
罔既

謝土物狀

貢篚星陳方謹多儀之享餘珍波及不圖私好之隆
靖言此心惟德其物感銘滋厚敷叙奚殫
華旌暫弭式觀於清規方物載陳更煩於私餽輸情
良厚永好敢忘愧佩之誠名言罔既

回旦望啓

季秋謹時肅霜在候恭惟某官遠脩方貢備著賢勞
宜神物之陰扶擁福祉以來集未遑修慶先辱枉緘
感愧之私名言靡究
升當建成節謹授衣恭惟某官奉上惟忠宅心以道
宜百神之交相茂多福以來綏曾修慶之未遑遽貽

書之猥及眷言感愧罔既敷宣

回高麗使先狀二

伏審抗旌脩貢將覲於日邊飛鷁候途已臨於浙右
行展郊坰之勞仍瞻原隰之華脩問未遑占書猥及
眷言感愧罔既敷陳

伏承旼雲海之浩茫欣茲入覲想天津之壯麗行矣
觀光辱函牘之過勤如舟師之在望即詣瞻晤良極
忻愉

謝高麗使副土物狀二

稱贊昂來僅展行艫之勞輸情良厚更分貢篚之餘

既用拜嘉敢忘佩德

畫鷁經行幸清規之獲展殊珍問遺豈私好之敢期
仰披牋牘之勤抑認情文之盡遂巡拜既欣愧交懷

荅贈物狀二

竊以適程子之驩心贈之束帛酬季札之嘉惠獻以
紵衣輒陳薄儀用荅厚意有少土物具在別牋
竊以惠好猥加感深贈帶物儀甚陋愧匪報瑤有少
土毛具在別紙

回使副不赴特排宴狀二

授館云初瞻風是幸我有旨酒莫陪揮麈之歡客歌

驪駒莫遂攀轅之願枉華牋而敦喻佩諫德之弥光
感愧惟深敷宣固既

飾厨傳以稱客蓋列璧之常儀啣杯酒以接歡實鄙
人之私願遽蒙誨諭仰認勤誠諒溫語之趣行及需
雲而祿壽挽留莫遂悵快何勝

代貢土物狀

侯邦歲聘既遵典禮之常 天子時巡爰襲 祖宗
之舊辱在守土敢廢多儀前件物三壤所宜九賦攸
出莫備充庭之實用伸向日之誠

代會高麗國信樂語

鳳檢卜行往賁三韓之國鯨波萬里少勞一葦之航
恭惟國信某官驚代人豪柱天賢業處漢廷諸公之
右受上聖非常之知眷彼遐方夙殫臣節肆奉光華
之命往宣問勞之恩念將聳異域之榮觀顧必極中
朝之妙選二三子莫出孰為安魯之謀第一人肯來
自足增唐之氣而况問文成之安否傳白傳之篇章
雖曰賢勞實資重望仗平生之忠信席大國之威靈
涉雲海之浩茫望神山之咫尺一何壯也不亦快哉
知府某官喜接行艫宏開雅宴願盡舉觴之礼少延
揮麈之歡某不揆荒蕪上獻口號
聞說清臺入夜

觀文星今合照三韓頗知禮樂尊周室更遣威儀識
漢官海若驅龍迎瑞節飛廉隨鷁借輕翰歸來玉殿
承新渥準擬黃麻仔細看

代送京西運使樂語

華旌耀日莫留使者之登車綺席臨流遽見主人之
送客矧茲舊部仍是故鄉碩桃李之在人甚多豈楊
柳之攀條無贈恭惟某官珪璋瑞器嶽瀆英姿曩膺
宸扆之簡求出摠東南之大計規摹宏遠聲寔著聞
得請真祠久遂優賢之樂觀風近甸更欣將命之榮
共知行旆之西飛正是鋒車之便路佇恭密命入踐

禁途知府某官久奉勝遊曲敷雅好繁絃九奏重增
南浦之傷別酒一罇願盡陽關之唱某寺叨居樂部
獲侍台墀不揆荒蕪上獻口號 願盡離筵三百杯
星輅西去幾時迴銅駝柳外飛華節金谷花邊望使
臺富國倉箱歸善計濟川舟楫賴宏才公行勿亟朝
天路 帝有甘泉密詔來

代會使相上冢回致語

牙璋前導聳里聞之勞觀絲纜徐牽指日邊之歸路
縉紳共仰出處兼崇恭惟某官霖雨聖時股肱國斲
紹復先王之大業鋪張對天之宏休鸞省倦遊楓宸

予告都門供帳寧論踈傳之歸鄉宮錦賜袍特寵元
忠之拜掃方將俸望本朝之意酒鄭公上冢之還促
舟楫以戒途擁節旄而就第入摠均衡之重永綏槐
鼎之榮知府某官喜接台光宏開雅宴願奉舉觴之
禮少延揮麈之歡某寺不揆荒蕪上獻口號 勲高
一品重朝班暫擁麾幢耀里間踈傳莫誇供帳寵魏
公今賜錦袍還畫舫即赴青門召甲弟休營綠野閑
直待汾陽書考滿始應几杖傲湖山

代秀守請交代致語

樓舫飛下暫違北闕之星辰瑞節初臨增煥南州之

風景歡聲在路，和氣生春。恭惟知府某官，川嶽英姿，
珪璋粹質，繡衣持斧，荐更使駟之光華。錦帳握蘭，夙
著丹墀之問望。謂持荷之不遠，姑剖竹以均勞。特借
經行少勞，坐鎮一方。濡檣共知甘雨之隨車，千里嘯
枯已覺仁風之在扇。知府某官亦迎旌旆，喜接輝光。
情深契濶之私義，重交承之契願。盡舉觴之禮，少延
揮麈之歡。某等不揆荒蕪，上獻口號。樓舡疊鼓，破
煙輕欣見兒童。竹馬迎錦帳，握蘭更寵眷。繡衣持斧
茂威聲，共知甘雨隨車到。已覺仁風逐扇行，自是玉
皇香案吏，肯容蕭散寄江城。

聖節勾隊

雲霄在望，遙瞻北極之尊。劔佩相磨，共罄南山之祝。
宜命編躋之侶，少資和樂之容。緩引笙篳，舞童入隊。

問隊

命侶嘯嘯，有翩若驚鴻之態。整衣搖珮，豈暮為行雨
之人來近。台階盍言尔志。

放隊

回雪輕盈，既呈於楚舞。行雲流轉，宜返於巫陽。再拜
台階，相將好去。

女童隊心致語

某聞里社開祥當良月光春之候華封獻祝卜後天
雉老之期並舞簪裳遙瞻魏闕恭惟

皇帝陛下聰明元后博火真人已昭極治之功宜享
無疆之歷廣成子十二百歲未足誇多天皇氏萬八
千年於茲為盛卿雲紛郁化日舒長共殫祝聖之勤
均錫在公之酒星陳樽俎鼎沸金絲某等獲侍台階
欣逢盛會願儼容于六佾庶共樂于千齡未敢自專
伏候台旨

代請越師致語

師徒取道共知元帥之行父老出郊爭覩故侯之至

可無樽俎少駐旌麾恭惟某官節屬冰霜量涵江海
臨難得仁者之勇接人皆有德之言更惠愛於六州
歷光華於五閭惟茲舊治寶戴殊恩孤城獨存賴魯
公忠義之力雅俗未改服劉寬孝弟之規故應清夢
之餘尚記甘棠之舊當年追餞見攀轅卧轍之悲今
日經行有分闡建牙之喜某官甫迎舟艦欣望光塵
十乘啟行難留于去傳一觴為壽少盡於群情云々
樓舫十里駐郊垆父老扶携夾道迎卧轍攀轅曾結
戀建牙分闡喜經行樽前歌舞皆親按眼界風烟特
地明宴看山公婦倒載莫辭芳醕細深傾

苕溪集卷第二十八

苕溪集卷第二十九

青詞

祭文

還醮

臣伏以天聰甚高難窺昉嚮誠心雖近可貫幽明顧
危懼之已陳仗飛章之上達伏念臣稟生公歷涉世
謬愆犯難滋多歷官既久曾滿盈之不戒固顛躓之
是宜一自墜傷七經句決楚痛小減步履尚艱昨叩
洪慈仰承真誥謂飲食之貽咎致疾一之在身自省
乖疎復深誨懼尚祈蒙覆曲賜洗滌愚衷儻格於聖
衷藥力必資於道力庶殘骸之復舊當盡室以知恩

乾坤施厚念覆育之難名螻蟻命輕亦兢慙而知謝
敢殫誠悃上叩真慈伏念臣賦性顛愚稟生孱劣由
寒暑之不我致疾疢之交攻忘已甚微仰天求禱陰
賴神靈之相遂狀藥石之功雖報禮之弗虔豈斯言
之敢食尚祈哀憫曲遂生成

焚黃祭文

某不肖承先人緒業遊學覓舉垂三十載名入上於
春官再賓興於鄉里年踰強仕始竊一第三釜之祿
不逮親存心自悼念罪通於天又十一年通籍於朝
官御史會天子明堂禮成賚及出顯贈先人之官

于從八品實為初典先妣曰太安人超初贈一等某
屬有官守不獲躬展墓下謹遣長孫密奉綸綍以告
嗚呼漏泉之澤雖曰有光陟岵之思惟知罔極仰祈
不昧服此上恩

祭江子我郎中文

嗚呼子我行如古人而不有合於今志如古人而不
克行於時嫉邪佞其如讎欲捽辱而鞭笞懷胷中之
不平用申吐於其詩自仕言之以處士起為望郎固
非終否自公言之或以為不過且之且隱蓋次山之
聲牙漫浪而太白之歷落嶽嶽僕始識公嚴灘之湄

接詩酒于逡巡陪杖屨以遨嬉曾一別之幾何乃生
死之乖睽雖無斗酒隻雞之約車過而不下則何以
寫吾心之悲一觴之微匪以為重亦庶幾澆公之磔
魄也公其尚聞之乎尚享

祭方時敏學士文

天之界人在厥初生迺其初生順者以喜逆者以怒
幸與不幸繫其所遭賢才富貴無德阨窮遭其喜也
怒則反是君子幸其喜而順而順者常少小人幸其
怒而逆而逆者常多蓋天之少喜多怒抑若人之情
歟嗚呼時敏才大意廣識高理明文之以起當世之

陋學立以訂百氏之惑抵掌雄辯前無古人其與人
交一語道合握手論心傾圉倒廩金石之堅莫能移
之非吾臭味鉅公長者有弗顧也嗚呼知吾時敏蓋
莫如僕謂當羽儀

朝廷金玉王度盡發蘊藉措之事業仕宦浸久失其
所途私心怪之然終不以吾時敏為不遇也意將有
待嗚呼哀哉今則死矣吾望絕矣且天之生斯人也
為有意耶為偶然耶深惟其故不在于今在其初生
逢天之怒不逢其喜蓋吾之說信也如其不然天之
于人顛倒迷謬豈若是耶人誰不達公獨困躓人誰

不壽公獨早世安能釋吾心之悲哉僕也無似早獲
定交伯仲之間周旋二紀情若弟兄憫其流落振其
飢寒不鄙其愚過相稱道凡交游間無從見譽私問
其故則曰得之伯仲之言公實寡合不輕然諾他人
未始得此於公僕亦展轉自疑其然去年夏秋詞官
京師公從北門帥幕之群訊問一通且見令子得公
起居僕尋東歸未更三時已聞其訃號呼稱寃且信
且疑會有賓客自北來者頗言公喪已至國門諸孤
館食于仲氏居然則信矣悲將奈何永望靈車往歿
無路緘詞遣奠以寓此懷僕心誠悲詞不能文公其

鑒之尚享

祭族兄無言脩撰文

嗚呼天之生才豈曰無意既授之以能為之質必處
之以可為之地苟異於是者其必有謂矣夫天地之
秀在人為賢才在物為山嶽彼山嶽者亦貴夫為群
物之利是故丹砂金玉之寶榎桐枯柏之材取之而
不窮用之而不匱到于奇峰峭壁無所依而獨立不
借土以發生則世不求其用而以為瑰偉絕特之觀
蓋造物者之戲也嗚呼公之生也自其少時有不可
尚之氣既沉涵乎六籍又均貫夫百氏其推辭妙思

沮金石而感鬼神風雅離騷配聖經而發鼓吹當其
抵掌而劇談操筆而論著老師宿儒引避太息而後
輩初學袖手屏息而側睨使其從容夜半奉宣室之
問曾何有夫賈生代言內相叅勘難之功而使武夫
悍卒感泣思奮忘何取夫陸贄顧四紀之迴翔嘗踐
更乎中外雖復踞蓬山之上游贊明堂之坐治與未
為使者牧守所至有絕人之稱而用違所長故識者
以為公之才未試也嗚呼今則已矣豈死造物者用
公為戲劇且自發其神麗耶僕又悲夫人誰不達而
公獨弗遇其如是也僕等于公有兄弟宗族之親而

兼師友之義曾閱歷之幾何乃睽違而隔世感知遇
于疇昔心悵焉而增愧念厚夜之莫追溯西風而賈
涕獨緘詞以寓哀尚平生之不昧嗚呼詢有窮矣而
哀未既也公其聞知之乎尚享

祭族兄希范資政文

惟公孕川嶽之神秀懷金玉之華英問學紛以鉤貫
辭采蔚其緯經行純茂以萬寶論感激而深明唾掌
以取富貴俛首而捨功名御王良而足驂騮既決驟
而長鳴方按轡以徐驅寄萬里于修齡曷歲月之不
淹卒憂患其與并自他人視之公則遇矣若公自視

如龍淵太阿手持而不試曾未之以快其生平斯民
之望也庶幾乎為霖雨以終惠何遽騎箕尾而自比
乎列星惟賤子之蠢愚席累世之宗盟接步武于左
癰事終歲之筆畊雖通塞之殊途寧喜戚之異情望
五嶺之還轅居刺促而靡寧奉哀訃于不虞淚迸散
而沾纓驚去笥之脫弦悵覆水之不返瓶知此世之
均夢何得喪之足評姑酌酒以叫公尚髣髴其音聲
尚享

祭張叅政文

岳、惟公至德內充擇乎中庸靡介靡通論議設施

孰復利疚不為今妍不襲往陋惟古其心以觀物宜
用能汎應不久其持惟古其心由古于學聖經沉酣
百氏揚摧氣涵清夷識洞緬邈發為文章豐潤偉卓
粵從少齡擢秀上第旋中異科聲絕倫類不早小官
以淬以礪建炎之初始為御史造膝所陳惟理是詣
宰相之官詎以賞功帝度其言有嘉切忠爰自螭坳
代言西掖新我玉皮討論潤色執憲中司紀綱是飭
時方艱虞民情岢岌公居集林獨擅手筆詔令頒傳
曲折煩恚父老扶觀武夫感泣扈蹕東巡入贊樞機
海邦卓外憂勤百為既恭大柄正路爰啟賢哲彙征

魏令風靡出臨會稽實分憂願易帥于閩百廢具舉
公之為政甚鄙鈞鉅不怒而威莫予敢侮兵民興訛
變在漏刻公獨堅卧已乃情得有猷入告不遠王室
出而揚之曰后之德 帝曰適婦子惟汝哲得政未
幾因諸奉祠南昌巨屏繼宿兵符先聲所臨威惠已
孚有若隨會晉盜奔驅重來越絕載欣載愉我馬未
前竹馬在途建業留鑰控臨長江 帝曰重臣匪公
誰雙公至勞民顏色舒 將士欽然驕矜內鋤 帝
方倚公勢如長城奄忽訃聞朝野震驚嗚呼哀哉天
不憇遺喪此哲輔山頽梁壞不足以喻公之居家履

行純龐孝友雍睦形于鄉邦公在 朝廷國有著龜
民所具瞻士曰得師汲引後進起仆振淹萬若天性
不見所難我實愚陋公不鄙夷厥初拜公于霄之湄
有酒飲我詩文是追凡我往來無從見知究所以然
公實謂之乖睽會合三紀于茲逮公鼎貴我困莫治
避地飄流拜公在所公哀我窮委曲見語時方湏才
子不可去他日丐歸或繼以怒公意必欲寘我周行
蓬萊道山儒士之光温中實慙公未厭數或輓或推
不遺餘力我独何人得此殊遇志窮術踈報塞無路
謂德如公固當期頤公不百年我心孔悲永望士鄉

十舍有溢嗟我老癯奄一氣息往拜弗躬而愧心惻
緘辭遣真涕隨言出嗚呼哀哉尚享

祭胡浚明文

嗚呼浚明允毅且直行警補貪文追麗則冰頭置徑
朝暮細繹詆訶者聞論必已出其在鄉閭有如古人
斗粟壺漿輯睦四隣彼民有爭諸若求信甲是乙非
諭道諄一彊梗肆暴呼嘯相因聞君怒嗔烏伏獸馴
冢無蓋葺妻子寒飢君了不聞與客笑嬉彼婁人子
叩門求師分少絕甘受而不辭我官于越閱歲其幾
自始識君一星終矣惟時多難羶胡于紀飲馬于江

橫剽田里携孥造君實昧疇苟君與元昆喜見于色
笑言相溫以飯以食踰月避胡梁踐草棘驚懼少間
談書與詩二雛在旁精爽權奇咲我狔犬如景升兒
我子實愚願言通婚庶幾潘楊永好是論君晚從仕
器業居勵冗不見治百來一試從子之官奉祠均佚
三釜之祿萬鍾有滋如何說養樂不百年天報善人
寧有奇偏七十者稀君寔無憾我獨何為中夜慨歎
翁湖之陰海山之陽孰致生葛永望涕滂緘辭祖奠
寓此一觴尚享

祭褚邦直文

嗚呼君之母與吾母但傳云余晚而仕於越則吾母
既下世且二紀矣始獲拜姨母于堂上姨母之遇余
猶子姪而邦直之禮余猶其元昆也知邦直宜詳嗚
呼邦直質直而好義雍容而履常余貧邦直能館食
之余疾邦直能訪醫賦藥物以極治之余仕于王所
猶一再遇余以相存也別一有餘年余拔閑里居而
老且病相望益遠惟不得復見是恨曾謂邦直乃先
我以歿耶身世夢幻則余既審此矣所深怪者以邦
直之敦龐粹美而祿不稱德年不登耳順凡其親戚
鄉黨與朋游往來者莫不爽然若有所失蓋非特余
也嗚呼今邦直已矣而其子若姪咸克家願必有昌
其後者人或以是為相乘除獨情好之萬契濶死生
不能使余心之不恨也嗚呼哀哉尚享


祭吳敏求文

嗚呼毗山之集甲子一終我年未冠而子尚童誦詩
琅、辯對纒、我時心識常此童子浸長以來宦學
並驅我西子東子出我居我年加子滿十去一間闕
窮途亦各困抑庠子之冬俱來京師僧牕送客對案
並棲子時方強謂我清羸銜杯漱醪與相娛嬉曾謂
鄉閭不若羈旅襟抱曲折始克申吐嗚呼敏求不器

絕人談徑析理窮其涯垠舒為文辭旨切氣振聲馳
左癱見推輦倫俛拾科第如探懷神春官再上吐奇
莫售泛使三韓始得一官子心何有姑為親驢並仕
以來意氣彌厲錯節盤根見於屢試迹其平生寔如
苦辛遇事輒前不有此身嗚呼敏求甚孝于親生事
死奠不愧於神一昨奔親叩我以銘累然骨立如有
所嬰曰初卜宅編厯歎歎載沐雨風夜卧營荆兆隧
舍廬是徑是營一身百湏朝暮戴星凡其節終備盡
典型孰不生兒乃有寧馨無憂富貴我嘗告渠不在
子初在于晚途既為外郎矣、有光顧視要路將翱

將翱云何不淋天嗇其祿如子之身百身奚贖嗚呼
哀哉豈無友朋子獨我悖情義周旋有踰弟昆當其
卒睽書每見存遠致藥物輔我本根子歸毗山我家
旁縣百里相望不得數面子昨念我携孥以來我時
妻喪事與意乖有愧此勤未克往報不圖一朝乃得
訃告我方瘡寒病卧于寢失聲叫呼淚注席衽遣吾
兒行薄寫我曾云我有瘳往哭必躬嗚呼哀哉尚享

苔溪集卷第二十九



海
集
二
九

九

程